

Abonnement pour un an
250 Piastres
Edition spéciale. 500 ptrs.

Adresse:
«Idjtihad» Constantinople

Téléph. St. 865
XXIII ème ANNÉE
15 Octobre 1927, No 238

آبونمان : سنه لکي [۲۴ نسخه]
تورکيا ايجون ۲ بچق، خارج ايجون
۳ بچق، اعلا کاغذلیسی ۵ لیرادر.

اداره خانه سی :

جفال اوغلنده « اجتهد نهوی »

تلفون : استانبول ۸۶۵

یکرمی اوچنچی سنه

نومرو ۲۳۸-۱۵ تشرین اول ۹۲۷

اجتهد

علمی، ادبی، اقتصادی، صناعی، صحنی مجموعہ

شئون اجنبیه

اسکرنه ویچده ویا کندی یوطلرنده اقامتارینه دائر
کتابده کوریلن تفصیلات او قدر جالب اهمیت دکلدرد. انجق
راسپوتینک میدانه کیرمه سیله ایشلر دکیشور. راسپوتین
نه پایاسدر نهده بر طریق رهبانیه منسوبدر. کویدن کویه
دولاشه رق سیر یادن کلش در. روسیه ده بویه سری
آداملر نادر اولمدینی کبی اونلرک نزد الهیده شفیع
ومستجاب الدعوه اولدقلرینه اعتقاد ایدنلرده آز دکلدرد.
ایکنجی نیقولایله قاریسنه یاقینده بویه بر (محب الهی) نک
ورود ایده جکی « فیلیپ » اسمنده سرایده حکم ونفوذ
صاحبی بر فرانسز فلسفه دوقتوری طرفندن خبر
ویرلمشدی .

غره غوری افیموویچ (راسپوتینک اسمی) ی ایمبرا-
طور یچیه طایتدیران غراندوشش (میلچا نیقولایفنا)
اولمشدر. وبومعارفه ایمبراطور یچیه اوزرنده درین بر تأثیر
براقمشدر .

لکن دوغروسنی سوبله مک لازم کلیرسه
سیریلی زائرک تأثیرینه قایلان یالکز علکساندرا
اولمامشدی . روسیه یی ۱۹۱۴-۱۹۱۸ آراسنده فلاکتدن
قورتارایله جک یکانه آدام اولان قوی بر عزم صاحبی
صوک باش وکیل استولپین دخی اونک دهآ آز تأثیری
آلته کیرمه مشدر .

اینجه ، رنکسر ، یوزینک چیز کیلری چکیک ،
کوزلری آتلی وفوق العاده نافذ اولان راسپوتین ابتدا
مادام وبروویوایه « مادام الحیة » عائله ایمبراطوری

کچن نسخه مزده محترم رفیقمز جناب شهاب الدین بک
روسیه ایمبراطور یچیه سی معهود قاترین حقنده اخیراً نشر
اولونان بر کتاب مناسبتیه اونک حیا سزوپرواسز ماجر الرندن
کندینه خاص بر لسان بلغانه ایله بو ستونلرده بحث
ایتمش ایدی . آوروپایه عزیمتی مناسبتیه بر مدت مقاله لرینی
اورادن کوندره جکنی وعد ایتمش اولان استادک یازیسی
هنوز المزه واصل اولمادی . بناء علیه بو ستونلری بو
دفعه لقی نم املا ایتمه ضرورت حاصل اولدی .

تصادفات غریبه دن درکه بنده بو کونکی مصاحبه مک
موضوعی ینه کچنده انتشار ایدن بر کتاب دولایسیله
دیگر بر روس چاریچیه سنک حیات فیعه سنه تعلق ایدبور .
معلومدر که قاترینک بالطه جی ی اغفال ایله مملکتی
براضمحلال محققدن قورتارمش اولماسنه مقابل ، صوک
روس ایمبراطور یچیه سی علکساندرا ، قوجه سنک عجز
وضعنه انضمام ایدن شخصی تعصی ، عرق ملیتی واداره
اموره متمادی مداخله سی سببیه رومانوف خاندانی شجره-
سنک کوکندن بالطه لاسنه شاهد اولمش وبوفاجعه یی
کندی سنک وچو جقلرینک قائله صولامشدر .

ایشته بوبدنخت چاریچیه نک ندیمه سی مادام (ویروبووا)
صوک دفعه خاطره لرینی بر کتاب شکنده نشر ایله خاندان
ایمبراطورینک فحاعت انکیز عاقبتیه علاقه دار اولان
وقایع دن بحث ایتمش وبوده بو کونکی مقاله مزه زمین تشکیل
ایتمشدر .

عائله حکمدارینک هر سنه چارقویه سلو ، لیوادیا ،

خدمتده بولونا جغنی سولیشدی . چارچهنك ندیمه سی
 شیمدی بو کهاتی « اونلرک حیاتی مدتجه » صورتده
 تفسیر ایدیور وراسپوتینک چارایله چارچه اوزرنده حاصل
 ایتدیکی تأثیرک مورخلرک ادعا ایتدکلری درجهده بویوک
 اولدیغنی وایمپراطوریچهك اونى هر کون کورمه دیکنى
 کوسترمکه چالیشیور . آنا ویروبووا ، سرائک اوچ
 قوه محافظهك تحت نظارتده بولوندیغنی سویله یور . سرای
 پولیسى ، موکب ایمپراطوری ، خاصه آلایى . بونلرک
 هر برى سراه کوروب چقانلرک دفترینى طوتارلردى .
 حالبوکه راسپوتینک اسمى بو دفترلرک هیچ برنده
 کورولمزدى . لکن زواللى صافدل قادین یوز سطر
 آشاغیده راسپوتینک زیارتلرینى خفی طوتدقلری واونى
 کندی دائره لرینه کیزلی مردیونلر وقولردن ادخال
 ایتدکلری ایچون چارایله چارچه عتاب ایدر .
 صوک دقیقه قدر نيقولا ایله علیکساندرا بوسرى
 آدمک یالکیزدعالرینک مستجابتنه دکل اونلک قدسینهده
 ایمان ایتدیلر . قیزیل جالدرلر طرفسندن صورت فجیعه
 معلومهده قتل ایدلمدن برقاچ کون اول اسکى ندیمه لرینه
 یازدقلری مکتوبده روسیهك راسپوتینک قتلى جزاسنى
 چکدیکنى سویلورلردى . کیمسه اونلری بوفکرلرندن
 چورمه مشدر . جوابلری دائماً عینى ایدی : « بزاونى
 سودیکمز ایچون چکه میورلر . » ایکی دفعه اسکى ندیمه
 لرینى سیریا به قدر کوندروب برقاچ آی ایچون محل
 تولدینه چکیلمش اولان راسپوتینک صحتنى وناصل یاشادینى
 اوکرتمک ایسته مشلردى . تحفدرکه طوغدینى قصبهده ،
 (پوروفسکى) ده اونى هیچ کیمسه سومیوردى .
 اطرافنده کی پاپاسلر کندیسندن نفرت ایدیوردى . حالبوکه
 ایکنجی دفعه اوفاق اورال استاسیوننه قدر آنا
 ویروبووا تشییع ایتمش اولان راسپوتینى اوراذه کی
 یوزلرجه چینلى عمله فوق العاده حرمت و محبتله قارشىلا مشلر
 واثوابى پارالایه هر هر پارچاسنى اشیای مقدسه کبی صاقلامشلر .

راسپوتینک تداوى خصوصنده کوستردیکى کرامتله کلنجه :
 آنا ویروبووا بونلردن یالکیز برینى نقل ایدره . ۱۹۱۵ ده
 ایمپراطور ، اردولری باشنه حرکت ایتدیکی وقت چارویچی ده
 برابر کورتورمش ایدی . چارقویه سلودن برقاچ ساعت
 صوکر اچارویچ خسته لندی و معتاد وجهه آغزندن قان کلکه
 باشلادی . بحران وخامت عرض ایدیوردى . خسته
 ولیعهدک یانندن ایرلیان سرای هکیمی قانی بر دولو
 دوردرامادى . عجله چاغیریلان پروفیسور (فهدوروا) ده
 برشى یاپامادى . اوغلنک باشى اوجنه قوشان ایمپراطوریچه
 یأس ایچنده آغلا یوردى . راسپوتین کلدى . چارویچ
 علیکسى نيقولایه ویچک یاتاغه یاقلاشدى ؛ چوچنى تدقیق
 ایتدى ؛ باشنک اوزرنده برخاچ اشارتى یاپدى و مراق
 ایدیله جک برشى اولمادیغنى سویلیه رک چکیلدى . دهـا
 قپونک اشیکندن آتلاماش ایدی که قان کیلیمش ایدی .
 راسپوتینک اوینادیغى سیاسى رول حقنده ، آنا
 ویروبووانک یازدیننه باقیلیرسه چاری هیچ بروقت صلح منفرد
 عقدینه تشویق ایتامشدی . یالکیز بردفعه حقیقه سیاست
 خارجه اوزرنده اجرای تأثیر ایتمشدی که اوده ۱۹۱۲ ده
 غراندوق نيقولا ایله قاریسنگ روسیه یی بالقان محاربه سنه
 اشتراک ایتدیرمک ایستدکلری وقت چارک آیاقلرینه قاپانه رق
 مملکت ایچون بیوک فلاکتى مؤدى اوله جق اولاجق
 اولان بوحره مداخله دن اجتناب ایتمى رجا ایتمشدی .
 اکر مادام ویروبووانک سویلیدیکی طوغری ایسه
 روسیه اووقت حربه اشتراک ایتمکه اختلالی بش سنه
 دهـا تعجیل ایتمش اوله جقدى .

راسپوتینک عاقبتى وچا نيقولا ایله چارچه علیکساندرانک
 وچو جقلرینک ناصل غدارانه اتلاف ایدلکلری واوندن
 صوکر ا بولشه ویکلرک نه قدر قان آقیتدقلری کیمسه به
 مجهول دکلدر . یالکیز بیلنمین برشى وارسه اوده بو قدر
 قانندن یتیشن قیزیل میوهك روسیه اها لیسى ایچون دهـا نه وقت
 قدر کوز بویایچی برمیوه قالا جاغیدر .